

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 68 (1983)
Heft: 21

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 01.04.2026

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

L'entschatta digl Ischi semestril nr. 21 dat lic. fil. *Pieder Simeon*, Sevgein/Trun, cun zacontas poesias ch'el ordinescha en duas gruppas da tempra ualti differenta: «Nies futur» e «Dil vargau». *Mariano Tschuor*, Rueun/Laax, sefatschenta dapi onns cul teater ed ei era in dils incumbensai dalla Ligia Romontscha per damondas dil teater popular romontsch. Cheu presenta el ina analisa dalla situaziun hodierna. Per dr. *Felix Giger*, Surrein/Cuera, redatur tier il DRG, ein damondas da lungatg il paun da mintgadi. Sut il tetel «Il maldiever cultivau dil romontsch» ha el realisau in'emissiun pil Radio romontsch ch'ei vegnida emessa ils 5-4-81. Bugen publichen nus cheu quei text ch'ei in bien muossavia per tuts quels che vulan mantener e promover in romontsch cultivau e buca bastardisau. *Victor Durschei*, Mustér, ei staus scolast e silsuenter bunamein 30 onns entruidader da clamada per 54 vischnaucas. Quella occupaziun ei secapescha ina basa sco fatga per scriver davart problems d'educaziun. «Problems ha ei dau ... problems vegnan a restar!» ei il tetel da siu artechel pigl Ischi semestril. Il redatur responsabel per la sparta «Historia locala e tradiziuns popularas» ha previu da publicar els proxims numers digl Ischi semestril schinummai texts dil pievel, texts che relatan dil mintgadi, texts ord la «historia pintga». L'entschatta dat dr. *Clau Solèr* da Lumbrein cun in text da sia mumma, *Anni Solèr-Capaul*, sur dil tema «Ina dumengia en in vitg, avon il concil». Clau Solèr ha studegiu romanistica all'Universitad da Turitg ed ei dapresent fatschentaus cun retschercas linguisticas en Tumliasca. Sora *Florentina Camartin*, Turitg, presenta la secunda part da sia lavur «Inscunter cun simbols». Quella gada explichescha ella ils simbols en letras. Dr. *Ursicin G.G. Derungs*, Vella/Milaun, terminescha sias interessantas expectoraziuns davart «Il Pentateuh» cun la tiarza part. Sur *Cyrill Flepp*, Curaglia/Cuera, ei directur dil Center catechetic a Cuera. El empeila buca mo quei center, el ei era staus per gronda part responsabels per la planisaziun e realisaziun da quei post da scolaziun, informaziun e survetsch. *Ignaz Cathomen*, Falera, e Norbert Berther, Cuera, han puspei cumpilau la «Cronica» respectivamein «La gliesta da litteratura sursilvana». Il proxim numer cumpara igl emprem da matg 1984. Artechels ein da tarmetter alla redacziun entochen sil pli tard miez fevrer.